

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----“, ----- 2016 թ.

„-----“, ----- 2016 թ.

(արձանագրություն № )

**Հայաստանի ազգային ագրարային համալսարանի ուսանողներին  
մագիստրանտներին և ասպիրանտներին ակադեմիական  
արձակուրդ տալու**

**Կ Ա Ր Գ**

1. Սույնով սահմանվում է Հայաստանի ազգային ագրարային համալսարանի ուսանողներին, մագիստրանտներին և ասպիրանտներին ակադեմիական արձակուրդ տալու կարգը և պայմանները:
2. Ակադեմիական արձակուրդ տրվում է միջին, բարձրագույն և հետբուհական մասնագիտան կրթական ծրագրերով ուսումնառող ուսանողներին, մագիստրանտներին և ասպիրանտներին՝ ըստ բժշկասոցիալական փորձաքննության եզրակացության:
3. Ակադեմիական արձակուրդի տևողությունը մինչև մեկ օրացուցային տարի է, բացառությամբ օրենսդրությամբ սահմանված դեպքերի:
4. Ակադեմիական արձակուրդ տալու մասին որոշումը կայացնում է համալսարանի ռեկտորը, որի հրամանագրման համար հիմք են ծառայում.
  - բժշկասոցիալական փորձաքննության եզրակացությունը՝ ուսանողի մագիստրանտի և ասպիրանտի դիմումը և պետական առողջապահական հիմնարկի բժշկափորձագիտական հանձնաժողովի եզրակացությունը,
5. Զորակոչային տարիք ունեցող դիմորդներից փաստաթղթերն ընդունվում է միայն զինհաշվառման կցագրական վկայականում տարկետման իրավունք տվող համապատասխան նշման առկայության դեպքում:
6. Պետության կողմից ուսանողական նպաստների ձևով ուսման վարձի փոխհատուցմամբ ուսումնառող և կրթաթոշակ ստացող ուսանողները

մագիստրանտները և ասպիրանտները ակադեմիական արձակուրդից վերադառնալուց հետո վերականգնվում են ուսուցման նույն համակարգում:

Վճարովի ուսուցմամբ ուսումնառող և ակադեմիական արձակուրդում գտնվող ուսանողի, մագիստրանտի և ասպիրանտի կրթաթոշակ ստանալու կամ լրացուցիչ վճարումներ կատարելու պայմանները որոշվում է համալսարանի և ուսանողի մագիստրանտի և ասպիրանտի միջև կնքված պայմանագրի համաձայն:

7. Ակադեմիական արձակուրդում գտնվող ուսանողին, մագիստրանտին և ասպիրանտին հանրակացարան տրամադրելու հարցը լուծվում է համաձայն համալսարանի կանոնադրության:
8. Կրթաթոշակներով ուսումնառող օտարերկրյա ուսանողին, մագիստրանտին և ասպիրանտին ակադեմիական արձակուրդ տալու կարգը և պայմանները որոշվում են համաձայն այդ երկրի հետ կնքած միջպետական համաձայնագրերի և պայմանագրերի:
9. Ակադեմիական արձակուրդ կարելի է տալ նաև այն ուսանողներին, մագիստրանտներին և ասպիրանտներին, ովքեր համաձայն Հայաստանի Հանրապետության և օտարերկրյա պետությունների հետ կնքված միջպետական պայմանագրերի և համաձայնագրերի կամ ՀՀ կրթության և գիտության նախարարության և այդ պետությունների կրթական կառավարման պետական մարմինների հետ կնքած համաձայնագրերի՝ մրցույթի կամ դրամաշնորհի շահման արդյունքով հրավիրված են այդ երկրների համապատասխան ուսումնական հաստատություններում ուսումը շարունակելու, որակավորումը բարձրացնելու կամ համատեղ հետազոտություններ կատարելու նպատակով:
10. Ըստ բժշկասոցիալական փորձաքննության եզրակացության, ակադեմիական արձակուրդում գտնվող ուսանողին, մագիստրանտին և ասպիրանտին ուսումնական գործընթացին թույլատրելու համար հիմք են ծառայում ուսանողի, մագիստրանտի և ասպիրանտի դիմումը, պետական առողջապահական բժշկասոցիալական փորձաքննության եզրակացությունը, համաձայն որոնց համալսարանի ռեկտորը հրամանով թույլ է տալիս ուսանողին, մագիստրանտին և ասպիրանտին շարունակելու ուսումը:

11. Ակադեմիական արձակուրդի ժամկետը լրանալու դեպքում, 10 օրյա ժամկետում, անհարգելի պատճառով չներկայանալու պարագայում ուսանողը, մագիստրանտը, ասպիրանտը ենթակա է բուհից հեռացման:
12. Ակադեմիական արձակուրդի դեպքում արական սեռի ուսանողները չեն կորցնում պարտադիր զինվորական ծառայությունից տարեկետման իրավունքը:
13. Ուսումնառության ժամանակահատվածում ուսանողը կարող է ձևակերպել ակադեմիական արձակուրդ ոչ ավելի, քան մեկ անգամ՝ օրենսդրությամբ սահմանված դեպքերում ակադեմիական արձակուրդը կարող է երկարացվել, ըստ անհրաժեշտության մինչև 1 տարի տևողությամբ:
14. Ակադեմիական արձակուրդից վերադարձող ուսանողի կարգավիճակը պետության կողմից ուսանողական նպաստների ձևով ուսման վարձի փոխհատուցմամբ կամ համալսարանի կողմից ուսման վարձի մասնակի զեղչի կիրառման (վճարովի) մնում է նույնը: